



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՆԱԽԱԳԱՀ**

« 30 » հունվարի 2020թ.

№ 80-Ա

**Հ Ր Ա Մ Ա Ն**

**ՀԱՐԿԱՅԻՆ ՍՏՈՒԳՈՒՄՆԵՐԻ ԵՎ ՈՒՍՈՒՄՆԱՍԻՐՈՒԹՅՈՒՆՆԵՐԻ  
ԿԱԶՄԱԿԵՐՊՄԱՆ, ԱՆՑԿԱՑՄԱՆ ԵՎ ԻՐԱՑՄԱՆ ԿԱՆՈՆԱԿԱՐԳԸ ՀԱՍՏԱՏԵԼՈՒ,  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ  
ՆԱԽԱԳԱՀԻ 2018 ԹՎԱԿԱՆԻ ԴԵԿՏԵՄԲԵՐԻ 19-Ի ԹԻՎ 765-Ա ՀՐԱՄԱՆՆ ՈՒԺԸ  
ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» օրենքի 2-րդ հոդվածի 1-ին մասի 5-րդ կետը, 37-րդ հոդվածի 1-ին մասը, ղեկավարվելով Հայաստանի Հանրապետության վարչապետի 2018 թվականի հունիսի 11-ի թիվ 702-Լ որոշմամբ հաստատված Հայաստանի Հանրապետության պետական եկամուտների կոմիտեի կանոնադրության 17-րդ կետի 1-ին ենթակետով.

**Հ Ր Ա Մ Ա Յ ՈՒ Մ ԵՄ՝**

**1. Հաստատել՝**

1) հարկային ստուգումների և ուսումնասիրությունների կազմակերպման, անցկացման և իրացման կանոնակարգը՝ համաձայն թիվ 1 հավելվածի,

2) հսկիչ դրամարկղային մեքենա կիրառող կազմակերպությունների կամ անհատ ձեռնարկատերերի գործունեության կասեցման, ինչպես նաև կասեցումը տուգանքի վճարմամբ փոխարինելու ընթացակարգը՝ համաձայն թիվ 2 հավելվածի,

3) հարկ վճարողի հարկման բազաների գնահատման (վերազնահատման) արդյունքների կիրառման վերաբերյալ որոշման օրինակելի ձևը՝ համաձայն թիվ 3 հավելվածի,

4) պիտանիության (պահպանման) ժամկետում վերջնական սպառողներին չօտարված, սակայն դրոշմապիտակներով դրոշմավորված ապրանքների դուրսգրման գործընթացին հարկային ծառայող(ներ)ի մասնակցության ընթացակարգը՝ համաձայն թիվ 4 հավելվածի,

5) միասնական հաշվին մուտքագրման ենթակա գումարների հիմնավորվածության ուսումնասիրությունների կազմակերպման և ուսումնասիրությունների արդյունքների իրացման, ինչպես նաև ավելացված արժեքի հարկի փոխհատուցվող կամ բյուջեից





հաշվանցման ենթակա գումարները միասնական հաշիվ մուտքագրման պարզեցված ընթացակարգի կիրառման կարգը՝ համաձայն թիվ 5 հավելվածի,

6) հարկ վճարողին հարկային մարմնում հաշվառումից հանելու կարգը՝ համաձայն թիվ 6 հավելվածի,

7) հարկային հսկողության շրջանակներում փաստաթղթեր, իրեր և (կամ) փորձանմուշներ վերցնելու և վերադարձնելու արձանագրության օրինակելի ձևերը՝ համաձայն հավելված ՎՎ-ի,

8) հարկային հսկողության ընթացքում փորձաքննության նշանակման մասին հարկ վճարողին տեղեկացնելու վերաբերյալ արձանագրության օրինակելի ձևը՝ համաձայն հավելված ՓՈՏ-ի,

9) հսկիչ գնման (գնման) ընթացքում կատարված խախտումների վերաբերյալ արձանագրության օրինակելի ձևը՝ համաձայն հավելված ՀԳԽ-ի,

10) հսկիչ դրամարկղային մեքենայի (ՀԴՄ) աշխատանքն արգելափակման ենթակա լինելու վերաբերյալ արձանագրության օրինակելի ձևը՝ համաձայն հավելված ՀԴՄԱ-ի,

11) հարկ վճարողի դիմումով ներկայացված օբյեկտում հսկիչ դրամարկղային մեքենայի (ՀԴՄ) գրանցման վերաբերյալ եզրակացության օրինակելի ձևը՝ համաձայն հավելված ՀԴՄԵ-ի,

12) հարկային հսկողություն իրականացնող պաշտոնատար անձանց աշխատանքին (ծառայողական պարտականությունների կատարմանը) խոչընդոտելու, նրանց օրինական պահանջները չկատարելու վերաբերյալ արձանագրության օրինակելի ձևը՝ համաձայն հավելված ԱԽՈԶ-ի,

13) հարկային ստուգումների և ուսումնասիրությունների հանձնարարագրերի և արձանագրությունների (նախագծերի) ձևերը՝ համաձայն ՀՀՍ, ԱՀՍՆ, ԱՀՍ, ՀԹՍ, ՏՊՀԹՍ, ԱԹՍՆ, ԱԹՍ, ՀՈՒՍ, ՏՊՀՈՒՍ, ԱՈՒՍՆ, ԱՈՒՍ, ՇՀՈՒԱՆ, ՇՀՈՒԱ և ԿՈՒԱ հավելվածների,

14) չափագրման ուսումնասիրության արձանագրությանը (նախագծին) կից օրական և ամփոփ արդյունքների վերաբերյալ տեղեկանքների ձևերը՝ համաձայն հավելված ՉՓՄ Ներդիր 1-ի և Ներդիր 2-ի,

15) գույքագրված ապրանքների (արտադրանքի) փաստացի և փաստաթղթային մնացորդների տարբերությունների վերաբերյալ համեմատական տեղեկագրի ձևը՝ համաձայն հավելված Համեմատական պակասորդ-ի,

16) համալիր հարկային ստուգումը և միասնական հաշվին մուտքագրման ենթակա գումարների հիմնավորվածության ուսումնասիրությունը վերջնաժամկետից շուտ ավարտվելու դեպքում դրա մասին հարկ վճարողին ծանուցման օրինակելի ձևը՝ համաձայն հավելված ԾՎՇԱ-ի:

17) Համալիր հարկային ստուգման հայտի ձևը՝ համաձայն հավելված ՀԱՅՏ-ի:

2. Հայաստանի Հանրապետության պետական եկամուտների կոմիտեի տեղեկատվական տեխնոլոգիաների վարչության պետին՝ 30 աշխատանքային օրվա ընթացքում ապահովել հարկային ստուգումների և ուսումնասիրությունների արդյունքների ամփոփման բոլոր ակտերն ու արձանագրությունները (դրանց նախագծերը) հրամանով հաստատված ձևաթղթերին համապատասխան ստուգման հանձնարարագրերի և ակտերի հաշվառման ավտոմատացված համակարգի միջոցով կազմելու (տպելու), ինչպես նաև սույն հրամանի հավելվածներով նախատեսված տեղեկատվությունը համակարգ և հարկային մարմնի տեղակատվական բազա («Հարկատու 3» համակարգ) մուտքագրելու հնարավորությունը:





3. Սահմանել, որ սույն հրամանում նշված ստուգումների պլանավորման ստորաբաժանում (այսուհետ՝ ՍՊՍ) և ստուգումների դիտարկման ստորաբաժանում (այսուհետ՝ ՍԴՍ) է հանդիսանում Հայաստանի Հանրապետության պետական եկամուտների կոմիտեի հարկային վարչարարության կազմակերպման, դիտարկման և հսկողության վարչությունը՝ ի դեմս համապատասխանաբար ստուգումների կազմակերպման և հաշվառման բաժնի ու համալիր հարկային ստուգումների դիտարկման բաժնի:

4. Սույն հրամանի հավելված 1-6-ով նախատեսված փաստաթղթաշրջանառությունն իրականացնել բացառապես էլեկտրոնային եղանակով:

5. Սույն հրամանն ուժի մեջ է մտնում ստորագրմանը հաջորդող օրվանից:

6. Ուժը կորցրած ճանաչել Հայաստանի Հանրապետության պետական եկամուտների նախագահի 2018 թվականի դեկտեմբերի 19-ի «Հարկային ստուգումների և ուսումնասիրությունների կազմակերպման, անցկացման և իրացման կանոնակարգը հաստատելու, Հայաստանի Հանրապետության կառավարությանն առընթեր պետական եկամուտների կոմիտեի նախագահի 2009 թվականի դեկտեմբերի 29-ի N4058-Ա, 2011 թվականի ապրիլի 28-ի N745-Ա, 2012 թվականի փետրվարի 27-ի N57-Ա, 2013 թվականի հունվարի 11-ի N11-Ա, 2017 թվականի օգոստոսի 30-ի N296-Ա և Հայաստանի Հանրապետության ֆինանսների նախարարի 2015 թվականի մարտի 19-ի N141-Ա հրամաններն ուժը կորցրած ճանաչելու մասին» թիվ 765-Ա հրամանը:

7. Սույն հրամանն ուժի մեջ է մտնում ստորագրման օրվանից:



Recoverable Signature

X

ԴԱՎԻԹ ԱՆԱՆՅԱՆ

Signed by: ANANYAN DAVIT 2010710142

Դ. ԱՆԱՆՅԱՆ



ՀՀ ՊԵԿ նախագահի 2020 թվականի հունվարի 30-ի թիվ 80-Ա հրամանի 1-ին կետի 1-ին ենթակետով հաստատված հարկային ստուգումների և ուսումնասիրությունների կազմակերպման, անցկացման և իրացման կանոնակարգից (Հավելված 1)

11. Ըստ ստուգման տեսակների՝ հանձնարարագիր տալու լիազորություն ունեցող պաշտոնատար անձինք են, և հանձնարարագրով սահմանվող ստուգման ժամկետներն են.

№	Ստուգման տեսակը	Հանձնարարագրեր տալու լիազորություններ ունեցող պաշտոնատար անձը (անձինք)	Ստուգման ժամկետ (մինչև անընդմեջ աշխատանքային օր)
1	համալիր հարկային ստուգում / վերստուգում	հարկային մարմնի ղեկավար	15
2	Թեմատիկ հարկային ստուգում	հարկային մարմնի ղեկավար, տեսչության պետ	15
3	տրանսֆերային գնագոյացման ստուգում	հարկային մարմնի ղեկավար	90

12. Ըստ ուսումնասիրության տեսակների՝ հանձնարարագիր տալու լիազորություն ունեցող պաշտոնատար անձինք են, և հանձնարարագրով սահմանվող ուսումնասիրության ժամկետներն են.

№	Ուսումնասիրության տեսակը	Հանձնարարագրեր (հրամաններ) հրապարակելու լիազորություններ ունեցող պաշտոնատար անձը (անձինք)	Ուսումնասիրության ժամկետ (մինչև անընդմեջ աշխատանքային օր)
1	չափագրում	հարկային մարմնի ղեկավար տեսչության պետ	10
			15 (հարկային տարվա որևէ ժամանակահատվածում իրացման շրջանառության կամ Օրենսգրքի 55-րդ հոդվածի 2-րդ մասի 1-5-րդ կետերով սահմանված և (կամ) 13-րդ մասին համապատասխան փաստաթղթերով ձեռք բերված ապրանքների (բացառությամբ հումքի, նյութերի, հիմնական միջոցների և արտարժույթի) արժեքի (առանց ԱԱՀ-ի, ակցիզային հարկի և (կամ) բնապահպանական հարկի գումարների) կամ ԵՏՄ անդամ չհամարվող պետություններից «Բացթողում՝ ներքին սպառման համար» մաքսային ընթացակարգով ներմուծված ապրանքների մաքսային արժեքի, իսկ ԵՏՄ անդամ

			պետություններից ներմուծված ապրանքների մասով՝ սահմանված կարգով որոշվող ԱԱՀ-ով հարկման բազայի (առանց ակցիզային հարկի) 24 միլիոն դրամի շեմը գերազանցած հարկ վճարողի մոտ)
2	հանդիպակաց ուսումնասիրություն	հարկային մարմնի ղեկավար	10
3	թեմատիկ ուսումնասիրություն	հարկային մարմնի ղեկավար  ՀՏՌ-Վ վարչության պետ	10
4	միասնական հաշվին մուտքագրման ենթակա գումարների հիմնավորվածության ուսումնասիրություն		
5	Հայաստանի Հանրապետության ոչ ռեզիդենտների՝ Հայաստանի Հանրապետության աղբյուրներից ստացած եկամուտներից վճարված հարկի գումարի վերադարձի նպատակով ուսումնասիրություն	հարկային մարմնի ղեկավար  ՀՏՌ-Վ վարչության պետ	15
6	Հայաստանի Հանրապետության միջազգային պայմանագրերի դրույթներին համապատասխան օտարերկրյա պետության լիազորված մարմնի հարցումներին պատասխանելու նպատակով ուսումնասիրություն	հարկային մարմնի ղեկավար,  տեսչության պետ	15